

TARIKH : 16.02.2019

AKHBAR : BERITA HARIAN

Majlis Tindakan Ekonomi bantu rakyat, negara

Persatuan Kebangsaan Pelajar Islam Malaysia (PKPIM) menyambut baik langkah Perdana Menteri, Tun Dr Mahathir Mohamad, menubuhkan Majlis Tindakan Ekonomi sebagaimana dilaporkan beberapa portal media.

Majlis dipengerusikan Perdana Menteri itu dijangka memainkan peranan utama dalam menangani masalah yang melanda negara, terutamanya dalam hal berkaitan ekonomi.

Melalui majlis ini, kerajaan juga dijangka memastikan pertumbuhan ekonomi secara mampan bagi memastikan kesejahteraan rakyat terutamanya golongan berpendapatan rendah atau B40 terjamin.

Kita berharap majlis ini dapat memberikan perhatian mustahak terhadap nasib rakyat di luar bandar, terutamanya pekebun kecil, peneroka FELDA dan nelayan.

Kerajaan juga digesa mengutamakan keperluan ekonomi rakyat dalam sebarang tindakan yang ingin dilaksanakan. Ini termasuk perkara berkaitan kos sara hidup, guna tenaga, kemiskinan dan pemilikan rumah.

Keluhan generasi muda

Sebagai mewakili keluhan generasi muda, PKPIM berharap kerajaan lebih prihatin akan bebanan dihadapi generasi muda kini seperti peluang pekerjaan, hal berkaitan perumahan mampu milik dan menangani kebimbangan masalah kemuffisan yang melanda anak muda disebabkan bebanan hutang.

Bagi ahli politik, PKPIM mendesak segera menghentikan sandiwara yang kelihatan tidak berkesudahan seterusnya kembali menumpukan pelaksanaan matlamat kebajikan rakyat, bagi memastikan kesejahteraan mereka terpelihara.

Sudah tiba masanya jemaah menteri pimpinan Dr Mahathir berhenti menyalahkan kerajaan lama, sebaliknya mengemukakan dasar ekonomi mampan dan kukuh bagi memastikan cita-cita mengembalikan ketenteraman hidup rakyat menjadi kenyataan.

Ahmad Fahmi Adzha Mohd Nasarudin

Setiausaha Agung, Persatuan Kebangsaan Pelajar Islam Malaysia (PKPIM)



Kerajaan juga digesa mengutamakan keperluan ekonomi rakyat dalam sebarang tindakan yang ingin dilaksanakan. Ini termasuk perkara berkaitan kos sara hidup, guna tenaga, kemiskinan dan pemilikan rumah.